

OBRAK EGITERAKOAN ESLEIPENDUNAK BETE BEHARREKO BALDINTZAK

EDAR

PR-2023-025. CASETA PREFABRICADA APRAITZ

1.	EJECUCIÓN DE LAS OBRAS.....	2
2.	GIZA BALIABIDEAK ETA BALIABIDE MATERIALAK.....	3
3.	EMAKUMEEN ETA GIZONEN BERDITASUNERAKO BALDINTZAK	3
4.	LIZENTZIAK, BAIMENAK ETA BESTELAKO GASTUAK	3
5.	INGURUMEN BALDINTZAK.....	4
6.	SEGURTASUNA ETA OSASUNA	4
7.	OBREN EDO INSTALAZIOEN SEINALEZTAPENA	5
8.	KONTSERBAZIO BETEBEHARRA.....	6
9.	ESLEIPENDUNAREN ARDURAKO ERANTZUKIZUNAK ETA KALTE ORDAINAK	6
10.	OBREN HARTZEA.....	6
11.	ASEGURUAK	7
12.	KONTRATU DOKUMENTUAK	7
13.	ESLEIPENDUNAREN EZ BETETZEAK.....	8
14.	PREZIOAK.....	8
15.	LEGE EREMUA	8
16.	KLAUSULA. Datu pertsonalen babesa.....	8

1. EJECUCIÓN DE LAS OBRAS.

Zundaketei, dauden zerbitzu-azpiegiturei, materialen jatorriari eta saiakuntzei buruzko datuak, egikaritze-proiektuaren memorian jasotakoak, erakunde kontratatzailearen informazio-dokumentuak dira. Hala ere, horrek ez du esan nahi bere egiazkotasunaren erantzukizuna hartzen duenik, eta, beraz, Kontratistak zuzenean eta bere baliaabideekin eskuratu behar duen informazioaren osagarri gisa hartu behar dira, besterik gabe.

Esleipendunak ezingo du inolako aldaketarik egin, ezta dimentsio edo kalitaterik aldatu ere, Gipuzkoako Urak S.A.ren idatzizko onarpenik gabe.

Obren guztizko aurrekontua **15.900,00** €-koa da. Aipaturiko prezio horretan kontzeptu guztiak barneratzen direla ulertzen da, Balio Erantsiaren gaineko Zerga IZAN EZIK.

Obren exekuziorako **4 ASTEKO** guztizko epe bat finkatzen da. Zuinketa egiaztatzeko aktan finkatzen den egunetik aurrera hasiko da epea.

Enkargatutako obrak proiektuan eta/edo eskaintzak eskatzeko erabilitako informazioan, "Lex artis" ean eta erantsitako gainerako dokumentuetan jasotako zehaztapenen arabera gauzatuko dira, bai eta proiektu teknikoan eskatutako kalitatea lortze aldera behar bezala amaituta gera daitezen aplikagarri diren agindu, erregelamendu, lege eta gainerako arau guztien arabera ere.

Esleipendunak 30 egun naturaleko epean, obren esleipena jakinarazten denetik zenbatzen hasita, hasi beharko du obrak egiten.

Esleipendunak, obrak hasi aurretik, Gipuzkoako Uraki ondorengo dokumentazioa eman beharko dio:

- Dokumentu hau orrialde guztietan behar bezala sinatuta eta zigilatuta.
- Lantokiaren irekiera-erregistroa.
- Obren Hondakinen Kudeaketa Plana.
- Eskaintzan aurkeztutako epeari egokitutako lan-plangintza, (plangintza hori astero eguneratu beharko da, eta obran eskuragarri egon beharko du obrak dirauten bitartean)

Esleipendunak, zehaztutakoa gorabehera, obraren zatiren bat exekutatzeko badu eta erantsitako proiektuan zehaztutakoa aldatzeko badu, egindakoa eraitsi beharko du, eta itundutakoaren arabera berregin, guztia hori bere kontura.

Ez dira ordainduko Segurtasun- eta osasunari dagozkien unitateak, horietarako aurrekontu espliziturik ez dagoen kasuetan, kasu horietan, esleipendunak gastu horiek proiektu-unitateetan kontuan hartu beharko dituelarik.

Ez dira ordainduko Kalitateari dagozkien unitateak (probak, desinfekzioa, etab.), horietarako aurrekontu espliziturik ez dagoen kasuetan, kasu horietan, esleipendunak gastu horiek proiektu-unitateetan kontuan hartu beharko dituelarik.

Ez dira ordainduko Obra-amaierako dokumentazioari (planoak, ziurtagiriak entregatzea,...) dagozkien unitateak (probak, desinfekzioa, etab.), horietarako aurrekontu espliziturik ez dagoen kasuetan, kasu horietan, esleipendunak gastu horiek proiektu-unitateetan kontuan hartu beharko dituelarik.

Gipuzkoako Urak S.A. enpresak, bere langileen bidez edo kontratatutako enpresa baten bidez, lanak egin direla ikuskatu ahal izango du, bai eduki materialei dagokienez, bai segurtasunari dagokionez ere.

Obra-unitateren bat gauzatzean akatsik edo hutsegiterik ikusten bada, hura eraisteko eta berreraikitzeke agindua emango da, esleipendunaren kontura. Aurrekoa gorabehera, onargarritzat jotzen badira, Gipuzkoako Urak S.A.k, esleipendunarekin adostuta, dagokien prezio murriztapenarekin onartu ahal izango ditu.

2. GIZA BALIABIDEAK ETA BALIABIDE MATERIALAK

Lanak antolatu eta gauzatzea esleipendunaren ardurapean egongo da, agindutako obra egiteko behar den eskulana, laguntzailea zein espezializatua, hornitzera behartua dagoelarik, soldadak, garraioak eta beste edozein karga sozial bere kontura izanik. Beraz, obra egiten parte hartzen duten langile guztiak honen mendekotzat hartuko dira ondorio guztietarako, zuzendaritza fakultati-boa osatzen duten teknikariak eta segurtasun-koordinatzailea izan ezik.

Esleipendunak obran dauden langileek obra behar bezala egiten dela bermatzeko beharrezko prestakuntza, esperientzia eta maila profesionala dutela zainduko du, agindutako lanak egiteko kalitateari eta denborari dagokienez.

Era berean, esleipendunak, obrak gauzatzen hasi baino lehen, obrako buru bat izendatuko du, eta horrek bere gain hartuko du eraikitzaileak obran izango duen ordezkartza teknikoa. Esleipendunaren arduradunaren eginkizuna izango da, besteak beste, bere plantillako langileei agindu zuzenak ematea, lanak behar bezala egiteaz arduratzea eta bere mendeko langileei dagozkien laneko arriskuen prebentzioari buruzko arauak betetzea eta betearaztea.

Esleipendunak obra egiteko beharrezkoak diren erremintak, makineria eta gainerako baliabide materialak emango ditu, indarrean dagoen araudia bete eta erabilera- eta kontserbazio-egoera ezin hobean egongo direlarik.

3. EMAKUMEEN ETA GIZONEN BERDITASUNERAKO BALDINTZAK

Kontratatistak bermatuko du, kontratua gauzatzean, dokumentazioa, publizitatea, irudia edo materialak sexismorik gabe erabiliko direla, eta emakumeen irudi diskriminatzaileak edo estereotipo sexistak saihestuko direla, eta berdintasunaren, presentzia orekatuaren, aniztasunaren, erantzunkidetasunaren eta rol eta genero-identitate aniztasunaren balioak dituen irudia sustatuko dela.

Kontratatistak Emakumeen eta Gizonen Berdintasunerako otsailaren 18ko 4/2005 Legean eta Emakumeen eta Gizonen Berdintasun eragingarrirako martxoaren 22ko 3/2007 Lege Organikoan ezarritako printzipioak eta betebeharrak bete beharko ditu.

250 langile baino gehiago dituen enpresa kontratatistak emakumeen eta gizonen berdintasunerako plan bat duela justifikatu beharko du, Emakumeen eta Gizonen Berdintasun eragingarrirako martxoaren 22ko 3/2007 Legean aurreikusitako edukiarekin.

4. LIZENTZIAK, BAIMENAK ETA BESTELAKO GASTUAK

Esleipendunak kontratatutako obrak edo instalazioak gauzatzeko behar diren baimen eta lizentziak eskatu, kudeatu eta lortu beharko ditu, obran Udal Lizentzia ematea izan ezik, esleipendunaren kontura izango direlarik obra horiek kudeatzeak eta gauzatzeko eragiten dituen gastuak, tasak eta gainerako zergak.

Esleipendunak, halaber, besteak beste, Eraikuntza, Instalazio eta Obren gaineko Zergaren zenbatekoa eta Obren Udal Lizentziagatiko tasaren zenbatekoa ordainduko ditu.

Kontratatistaren ardurakoa eta bere kontura izango dira alta eta funtzionamendu-baimena lortzeko, sareetara eta zerbitzuetara lotzeko, behin-behineko eta behin betiko hartuneak egiteko eta,

EDAR - PR-2023-025. CASETA PREFABRICADA APRAITZ

oro har, instalazioen funtzionamendu egoki eta legeztatua gauzatzeko guztia kudeaketak egitea, gastu, tasa, ariel eta abar guztiak ordaintzea eta erakunde eskudunetan aurkeztu beharreko proiektuak idaztea eta ikus-onestea.

Esleipendunaren ardurakoa eta bere kontura izango dira eragindako zerbitzuei buruzko informazio guztia biltzea (grafikoa edo beste edozein motatakoa), eta dauden instalazio guzti-guztiak bisitatzea zerbitzuen arduradunekin, obrak hasi aurretik, instalazio horietan eraginik ez dagoela bermatzeko.

5. INGURUMEN BALDINTZAK

Esleipenduna behartuta dago kontratazioaren xedeari aplikatzen zaion ingurumen-legeria betetzera.

Esleipendunak, arlo horrekin zerikusia duten organo ofizialek ematen dituzten neurriak oro har betetzen direla zaindu beharko du, batez ere zaratari, isuriei, hondakinen kudeaketari, eremu elektromagnetikoei eta kontratazioaren xedeari aplikatu beharreko ingurumen-baldintza espezifikoak asaldatzen dituen edozein elementuri dagokienez.

Esleipendunak bere gain hartuko ditu aipatutako araudia ez betetzearen ondoriozko gastuak.

6. SEGURTASUNA ETA OSASUNA

Kontratista lan-arloan, Gizarte Segurantzaren arloan eta laneko segurtasunaren eta osasunaren arloan indarrean dauden xedapenak betetzera behartua egongo da.

Esleipendunak bere langileei eta, hala badagokio, azpikontratistei, egin beharreko lanei eragiten dieten segurtasun- eta osasun-planeko neurri guztiak betearaziko dizkie eta une oro aipaturiko segurtasun- eta osasun-planaren kopia bat izango du obran, zuzendaritza fakultatiboaren eskura, bai eta, oro har, egikaritzean esku hartzen dutenen eskura ere. Bere erantzukizuna izango da, beharrezkoa denean eguneratzea.

Era berean, agerian jartzen diren arriskuak ezabatzeko edo murrizteko eta kontrolatzeko prebentzio-ekintzak eta obra gauzatzeko prozesuaren, lanen bilakaeraren eta sor daitezkeen gora-beheren arabera egin beharreko aldaketak egitera behartua egonogo da, lan-baldintzen aldizkako kontrolak eginez. Aldaketa horiek, halaber, zuzendaritza teknikoak onartu beharko ditu, edo, hala badagokio, Segurtasun eta Osasuneko koordinatzaileak.

Esleipendunak koordinatzailearen segurtasun eta osasun arloko jarraibideei erantzun beharko die eta aginduak bete beharko ditu Segurtasun Plana onartua izan dadin aurkezten denean, eta obrak dirauen bitartean; era berean, zuzendaritza fakultatiboaren jarraibideak eta aginduak bete beharko ditu.

Esleipenduna, indarrean dagoen araudiak ezartzen dituen segurtasun-neurri guztiak praktikan jartzeko, bai eta, lanen inguruabarrak direla-eta, une batez kendu behar izan diren segurtasun-neurriak berrezartzeko eginkizun espezifikoak duen pertsonala obran mantentzera behartuta dago. Zehazki, obrako prebentzio-baliabideak izendatzera behartua dago, Lan Arriskuen Prebentzioari buruzko Legearen 32 bis artikuluan eta hamalagarren xedapen gehigarrian ezarritako kasuetan eta zereginekin.

Oro har, obran jarduerak garatzen dituzten langile autonomo guztiek araudia betetzen dutela zaindu beharko du esleipendunak.

Betebehar horien garapenean, esleipendunak:

- Bere langileek, obran lanean hasi aurretik, beren lana egiteko prebentzio-arloan beharrezkoa eta egokia den prestakuntza jaso izatera behartzen da, bai eta beren lanpostuaren arriskuei eta obraren osotasuneko arrisku orokorrei buruzko informazio nahikoa eta egokia ere, segurtasun- eta osasun-plana betetzeko beharrezko jarraibideak helaraziz. Era berean, azpikontratutako enpresetako langileek prestakuntza, informazio eta jarraibide horiek jaso izatera behartzen da, bai eta langile autonomoei informazioa eta jarraibide egokiak ematera ere.
- Bere langileen nahitaezko osasun-azterketak egiten direla zaindu beharko du, eta baita azpikontratutako enpresetako langileenak egiten direla egiaztatu ere.
- Prebentzio-jarduera antolatuta eduki, eta arriskuen ebaluazioa eta prebentzio-plangintza behar bezala eguneratuta beharko ditu, azpikontratengandik prebentzio-jardueraren itunaren egiaztapena, arriskuen ebaluazioa eta prebentzio-ekintzaren plangintza eskuratzeaz gain, segurtasun- eta osasun-plana obran garatu beharreko lan guztiekin bat datorrela egiaztatuz.
- Gertatzen diren istripuen ikerketa egin beharko du, eta azpikontratei izan dituzten istripuen berri emateko exijituko die.
- Lan-makinak edo -ekipoak erabiltzen dituzten langileen kualifikazio espezifikoa zaindu beharko du, bai bere enpresakoenak eta baita azpikontratenak ere.
- Makinek 1215/1997 Errege Dekretura egokitzen direla dioen adierazpena eduki beharko du, eta zorrotz bete beharko ditu araudi hori eta gainerako arau espezifikokoak, bai bere enpresakoek eta baita azpikontratenek ere.
- Erabiltzen duen makineria baduela egiaztatzen duen dokumentazioa edo titulua eduki beharko du, bai bere enpresakoenak eta baita azpikontratenak ere.
- Bere enpresa, azpikontratak eta, hala badagokio, obran parte hartzen duten gainerako enpresak koordinatzeko behar diren bitarteko guztiak hartu eta bete beharko ditu.
- Norbera babesteko ekipamenduen entrega-erregistroak gorde beharko ditu, bai bere enpresako langileenak, bai azpikontratetako langileenak.
- Obran lan egiten duten langileak bai enpresakoak, bai azpikontratetakoak, Gizarte Segurantzaren alta emanda daudela egiaztatzen duten ebidentziak aurkeztu beharko ditu.

Esleipendunak klausula honetan aipatzen diren betebeharrak betetzen ez dituela egiaztatzen bada, Gipuzkoako Urak eragindako kalte-galerak ordainketak egiteko ebazpena emateko ahaldunduko du.

7. OBREN EDO INSTALAZIOEN SEINALEZTAPENA

Esleipendunak behar diren neurri guztiak hartu beharko ditu, obren eta instalazioen exekuzioak dirauen bitartean, bai obra horien barruan, bai ingurunean, esleipendunaren agindupean edo baimenarekin obretan parte hartzen duen pertsonalaren, zein beste edonoren, osotasun fisikoa eta interes legitimoak segurtatuta gera daitezzen. Gastu horiek esleipendunak kontukoak dira, eta aurkeztutako eskaintzan sartuta daude, proiektu-unitate ezberdinetan.

Esleipenduna, bere kontura, obretarako sarbideetan, obra-eremuan eta horien mugetan eta inguruetan, obrarako sarbidea, lanek hartzen duten eremuko zirkulazioa eta horien martxaren on-

dorioz egon daitezkeen arrisku-puntuak adierazteko beharrezko seinaleak jarri eta mantentzera behartua dago.

8. KONTSERBAZIO BETEBEHARRA

Kontratista ez dago obra gauzatzera soilik behartua, baita hauen jaso arteko kontserbazioa egitera ere.

Era berean, hartzea egin arte, esleipendunak lursailen eta horietan dauden ondasunen zaintzaz erantzungo du.

9. ESLEIPENDUNAREN ARDURAKO ERANTZUKIZUNAK ETA KALTE ORDAINAK

Esleipenduna, obraren exekuzioak dirauen bitartean eta obraren harrera egin arte, bere ardurapeko langileen ekintza, ez-egite edo zabarkerien ondorioz, edo obraren antolaketa edo seinaleztapen eskasaren ondorioz, edozein pertsona, jabetza edo zerbitzu publiko edo pribaturi eragin dakizkiokkeen kalte eta galera zuzen eta zeharkako guztien erantzule izango da.

Kaltetuak suertatzen diren zerbitzu publiko edo pribatuak konponduak izan beharko dira, bere kontura, gai horri buruz indarrean dagoen legeriaren arabera.

Kaltetuak gertatzen diren pertsonak behar bezala konpentsatuak izan beharko dira, bere kontura.

Kaltetuak suertatzen diren jabetza publiko edo pribatuak konponduak izan beharko dira, bere kontura, jatorrizko baldintzak berrezarritik edo eragindako kalte-galerak behar bezala konpentsatuz.

Esleipendunak bere gain hartzen du Gipuzkoako Urak S.A.ri erantzun eta kalterik gabe eusteko betebeharra, kalteei dagozkien ondorioengatik eta hirugarrenei egindako kalteen ordainagatik, baldin eta bere kausa zuzenagatik edo ez-egite egozgarriagatik ezbehar baten eragilea bada, ezbehar horren erantzukizuna oso-osorik bere gain hartu beharko du.

Kasu horietan, esleipendunak ezbeharra gertatu eta berehala Gipuzkoako Urak S.A.ri kalte-dunari kalte-galerak ordaintzeko dagozkion kudeaketak egin dituela egiaztatu beharko dio.

Gipuzkoako Urak S.A. zuzeneko edo ordezeko arduradun zibil gisa kondenatzen badute, prozedura judicial zibil, penal edo administratiboetan, esleipendunaren ardurapeko langileen ekintza, ez-egite edo zabarkerien, antolaketa edo seinaleztapen oker baten edo segurtasun-neurriak ez betetzearen ondorioz, esleipendunak bere gain hartuko du erantzukizun horren kostu ekonomiko osoa, Gipuzkoako Urak S.A.k konpentsazio edota errepikapen bidez aplikatuko diolarik. Kode Zibilean eta aplikatu beharreko gainerako arauetan aurreikusitako gainerako erantzukizun eta ekintzei eragin gabe.

Esleipendunak oso-osorik ordainduko dio Gipuzkoako Urak S.A.ri kontratuaren xede den obra gauzatzearen ondorioz sor daitezkeen lan arloko edozein erreklamazio edo kalte-ordain.

Era berean, esleipendunak izango du bere gaitasun faltaren edo erabilitako materialen kalitate eskasaren ondorioz obra gauzatzearan egon daitezkeen akats edo hutsegiteen erantzukizuna.

10. OBREN HARTZEA

Obrak behar bezala egin direla egiaztatu ondoren, dagokion proiektuan edo, halakorik ezean, indarrean dagoen erregelamendu teknikoan ezarritakoaren arabera, Gipuzkoako Urak

sozietateak sareen behin-behineko onarpena egin ahal izango du, horretarako, honako hauek jaso beharko dira:

- **Egikaritutako hornidura- edota saneamendu-eroanbideak fidelki islatzen dituzten planoak (maldak, materialak, diametroak, sakonera), indarrean dagoen erregelamendu teknikoan zehaztutako betekizunekin.**

Sareen behin-behineko onarpenak ez du salbuesten ezarritako bermea betetzetik; beraz, hornidura- eta saneamendu-sareetan antzemandako akatsak esleipendunaren kontura zuzendu beharko dira berme-aldian.

Berme-epaia igarotakoan, kontrakoa esanbidez xedatu ezean, urtebeteko iraupena izango du (Herri Administrazioen Kontratuen Legearen Erregelamendu Orokorren arabera), eta akats aipagarriarik ez badago, sareen behin betiko onarpenari ekingo zaio.

11. ASEGURUAK

Esleipendunak honako aseguru-poliza hauek kontratatu behar ditu bere kontura, eta indarrean mantendu kontratua exekutatu bitartean:

- Eraikitze- eta berme-aldian obrek jasan ditzaketen kalteak, esleipenaren zenbatekoaren mugaraino, ohiko arriskuen ondorioz.
- Eraikuntzako arrisku orotako poliza, eraikitze- eta berme-aldian obrek jasan ditzaketen kalteak estaltzen dituena, esleipenaren zenbatekoaren mugaraino, BEZik gabe.
- Erantzukizun zibila (orokorra, patronala eta gurutzatua), hirugarren pertsoneri eragindako kalteengatik, baldin eta kalte hori langileen, enplegatuen eta mendekoen, bere makinaren eta ekipoen ekintzen ondoriozkoa bada, bai eta esleipenaren xede diren obrak gauzatzean egindako lanen ondoriozkoa bada ere. Plantillako langileen eta obran lan egiten duten azpikontratatisten lan-istripuetatik erator daitezkeen kalte-galerengatik kalte-ordainak estaltzen dituen Erantzukizun Zibil Patronaleko aseguru, langile bakoitzeko 600.000 eurokoa izan beharko da gutxienez.
- Kontratuaren arabera esleipendunak egiten dituen lan eta zerbitzuei aplikatu dakizkiekeen legezko xedapenek eskatzen duten beste edozein aseguru.

Bermeen zenbatekoak

KONTRATUAREN ZENBATEKOA	BERME MUGA
Hasta 600.000 €	600.000 €
De 600.001 hasta 3.000.000 €	1.500.000 €

Primak egunean dituela egiaztatzen duten polizak eta ordainagiriak Gipuzkoako Urak sozietatearen eskura egongo dira, eskatzen duenean egiazta ditzan.

Aseguru-poliza horiek izenpetzeak ez ditu, inola ere, esleipendunak bere gain hartutako betebeharrak mugatuko edo aldatuko, eta ez dute baldintza-agiri honetan aurreikusitako erantzukizunetatik salbuetsiko.

12. KONTRATU DOKUMENTUAK

Baldintza hauek, hau laguntzen duten gainerako dokumentuek bezela, kontratu izaera dute.

Kontratu hau sinatzeak esleipendunak bere baldintzak eta harekin batera doazen gainerako dokumentuak onartzea dakar.

13. ESLEIPENDUNAREN EZ BETETZEAK

Esleipendunak kontratu honetan edo gainerako kontratu-agirietan ezarritako edozein betebeharrak ez badu, kontratua desegin ahal izango da, esleipendunak eragindako kalte-galeren konpentsazio kalte-ordain egokiarekin.

Era berean, Gipuzkoako Urak S.A.-k ESLEIPEN-AURREKONTUAREN %2ko zenbatekoaren zigorra eurotan + ASTEKO 1.000 €-ko zigorra ezarri ahal izango dio esleipendunari, Obra Zuzendaritzak bere eskumenerako gaitan emandako jarraibideak edo arauak ez betetzeagatik. Zigor honek zigor-klausula metagarri izaera izango du, hau da, kalte-galeren ordainei eragin gabe sortuko da halakorik balego, eta, hala badagokio, obren likidaziotik deskontatuko da.

Eskaintzan ezarritako epeak betetzen ez badira, kontratistari egotz dakizkiokeen arrazoiengatik, Gipuzkoako Urak sozietateak aukeran izango du kontratua desegitea edo goian adierazitako zigorrak aplikatzea.

Bi alderdiek itundutako zigorrak onartzen dituzte, eta berariaz uko egiten diote moderazioa eskatzeari, bidezkoak eta kontratu honen inguruabarretarako egokiak direla uste dutelako.

14. PREZIOAK

Kontratu hau onartzeak berekin dakar bi alderdiek kontratistak partida bakoitzerako eskaintako prezio unitarioak onartzea. Suerta daitezkeen ezustekoetarako, Gipuzkoako Urakenezko Prezio Unitarioen Oinarrian adierazitako prezio unitarioak aplikatuko dira, kontratistak obra honetarako eskaintako bajaren % aplikatuta.

Kontratu hau sinatzen denetik obrak amaitu arte, ezingo da inolako aldaketarik egin ezarritako prezioetan.

15. LEGE EREMUA

Auziren bat gertatuz gero, bi aldeek adosten dute Donostiako epaitegietara jotzea, kontratistak legokiokoen beste edozein foru edo eskumenera uko eginez.

16. KLAUSULA. Datu pertsonalen babesa.

Datu pertsonalen tratamenduaren arduraduna Gipuzkoako Urak SA da, IFK A-20471462, posta helbidea Portuetxe kalea 16 - Blanca Vinuesa eraikina 1, 20018- Donostia/San Sebastián eta helbide elektronikoa: lopd@gipuzkoakour.eus dituen.

Datuak Gipuzkoako Urak sozietateak enpresa esleitzailerik gisa irekitako kontratazio-espedituetan parte hartzeko kontratatzailearen profilean izena emanda dauden pertsonen zerrenda kudeatzeko asmoz erabiltzen ditugu, eta enpresa lizitatuak aurkeztutako proposamenetan sartutako langileen datuak kudeatzeko, legezko betebeharrak betetz (Datuak Babesteko Europako Erregelamendu Orokorren 6.1.c artikulua), zehazki, Sektore Publikoko Kontratuen 9/2017 Legea eta Uraren, energiaren, garraioen eta posta-zerbitzuen sektoreetako kontratazio-prozedurei buruzko 31/2007 Legea.

Emandako datu pertsonalak tratamendu honen esparruan aplikagarriak diren eta legez ezarritako dauden erakundeetara soilik jakinaraziko zaizkie, eta ez da datuen nazioarteko transferentziarik egingo.

Datu pertsonalak dituzten lizitazio- eta kontratazio-espeditenteak esleipen-prozesua eta ondoriozko jarduketak amaitu arte gordeko dira, eta, ondoren, blokeatu egingo dira, egoera horretan egongo direlarik sor litezkeen erreklamazioei edo zerga-legeria aplikagarriari buruzko preskripzioei dagokien aldian. Blokeatutako datuak langile baimenduek baino ezingo dituzte eskuratu.

Edonork du eskubidea Gipuzkoako Urak, S.A. berari dagozkion datu pertsonalak tratatzen ari den egiaztatzeke eta bere datu pertsonalak eskuratzeko. Halaber, datu okerrak zuzentzeko eskatzeko eskubidea du, edo, hala badagokio, datuak ezabatzeko eskatzekoa, besteak beste, datuak bildu ziren helburuetarako jada beharrezkoak ez direnean.

Egoera jakin batzuetan, interesdunek beren datuen tratamendua mugatzea eskatu ahal izango dute, kasu horretan, erreklamazioak egiteko edo defendatzeko baino ez ditugu gordeko.

Egoera jakin batzuetan, eta beren egoera partikularrarekin zerikusia duten arrazoiengatik, interesdunek beren datuen tratamendua ukatu ahal izango dute. Kasu horretan, GIPUZKOAKO URAK, S.A.k datuak tratatzeari utziko dio, legezko premiazko arrazoiengatik izan ezik, edo erreklamazioak egin edo defendatu ezean.

Interesatuek datuen eramangarritasuna eskatu ahal izango dute, Gipuzkoako Urak, S.A.ri eman dizkioten datuak formatu egituratuan, erabilera komunean eta irakurketa mekanikoan eskuratzeko, beren kabuz deskargatzeko edo Gipuzkoako Urak, S.A.k beste erakunde bati helarazteko.

Interesdunak bere eskubideak baliatu ahal izango ditu, eta, horretarako, eskubidea bidali beharko du gorago adierazitako posta-helbidera edo helbide elektronikora. Eskaera-eredu bat dago gure pribatutasun-atarian: www.gipuzkoakour.eus

Pertsonak uste badu bere eskubideak ez direla behar bezala artatu, eskubidea du datuak babesteko agenzia eskudunean erreklamazioa aurkezteko.

Datuak konfidentzialtasunez tratatuko dira, eta segurtasun-neurri tekniko eta antolamendu-neurri egokiak bete beharko dira datuak aldatzea, galtzea, tratatzea edo baimenik gabe eskuratzeko saihesteko.